

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de  
Parisiis, 1669**

VI. Libertas Ecclesiæ constituitur à Synodo Ephesina, in observatione canonum & consuetudinis antiquæ. Explicatur species canonis Ephesini, de Ioanne Antiocheno Patriarcha, qui Metropolitanus Cyprij ...

**urn:nbn:de:hbz:466:1-15591**

Capitularibus Regum, & in Tabulis antiquis. Quin & privilegia monasteriorum concessa, quibus ab Episcoporum iurisdictione eximerentur, Libertates monasteriorum dicebantur; ut patet ex Marculfo, & ex ipsius Libertatum tabulis; & apud recentiores Græcos eodem sensu dicuntur monasteria libera, sive ἡλιότης καὶ αὐτοκράτορα, in Constitutione Alexij Comneni. Sed de Libertatis illo genere, quo personarum & rerum immunitas Ecclesiæ concessa continetur, Tomo secundo copiosè disputabitur.

IV. Succedit alia libertatis ecclesiastica significatio, quam à Felice III. primùm assertam Gregorius VII. ad plures articulos extendit, ut mox dicam. Sed prius expendenda est Felicis sententia, qui libertatem in eo constituit, ut Ecclesia finatur uti legibus suis in causis Dei. Agebatur de Petro Alexandrino Episcopo ob hæresim Eutychianam damnato, & de Acacio Constantinopolitanum, quem Felix à communione sua repulerat, quod absque sedis apostolica mandato Petrum anathemate solvisset. Legatis ob eam rem in urbem regiam missis, à Zenone violatis, Felix de contumelia illata conqueritur, suadetque Principi ut acquiescat damnationi Perri & Acacij: *Puto, inquit, quod vobis sine ulla dubitatione sit utile, si Ecclesiam Catholicam vestri tempore principatus finatis uti legibus suis, nec libertati ejus quemquam permittatis obstatere, que regni vobis restituit potestatem.* (Scilicet Basilisco tyranno ab Orthodoxis repulso) Certum est enim hoc rebus vestris esse salutare, ut cum de causis Dei agitur, juxta ipsius constitutum, regiam voluntatem Sacerdotibus Christi studeatis subdere, non preferre, & sacrosancta per eorum presules discere potius quam docere, Ecclesiæ formam sequi, non huic humanitus sequenda iura præfigere, neque ejus sanctionibus velle dominari; cui Deus voluit clementiam tuam pie devotionis colla submittere; ne dum mensura cœlestis dispositionis exceditur, eatur in consumeliam disponentis. Totum locum consultò descripsi; quia graviter officij sui Principes admonet, ne cum de fidei negotiis agitur, auctoritate sua, quæ in Ecclesiæ subdium illis data est, decretis apostolicæ sedis renitantur, atque ita sibi humanarum rerum fastigium noverint esse commissum, ut tamen ea quæ divina sunt, per dispensatores divinitus attributos percipienda non ambigant.

V. Certissima est ergo regula quam Felix prescribit, libertatem Ecclesiæ in eo versari, ut legibus suis utatur in causis Dei. Sed Gregorius VII. eam libertatem ad certa quædam disciplina capita extendit. Vnde

factum ut Sacerdotium & Imperium inter se commissa sint, populique Christiani in Europa dirissimis & diuturnis bellis lugubriter attriti, cum Gregorius pro libertate Ecclesiæ restituenda, & Henricus Imperator pro iuribus Imperij retinendis, contendenter. Libertas à Gregorio vindicata, Principes ab episcopatum investituris arcebant: quæ deinde porrecta fuit ad eas immitates significandas quæ omnem omnino in personas & res ecclesiasticas auctoritatem Principibus adimunt. Gregorius VII. in dissidio cum Henrico passim libertatem Ecclesiæ obtendit: *Nobilissima esse dignoscitur, multo tempore pro libertate sanctæ Ecclesia decertare, quam misericordia ac diabolice servituti subjacere.* Eadem sententia Paschalis II. respondit, apud Sugerium, Legatis Henrici, qui Investiturarum usum retinere volebat, *Ecclesiam pretioso sanguine Iesu Christi Ludovici redemptam, & liberam constitutam, nullo modo ancillari oportere.* Goffridus Vindocinensis multis est in ea controversia, & commendat libertatem Ecclesiæ, quam profectam contendit à Christo, hac collectione quæ fortasse laborat vitio synonymiæ: *Quando Ecclesia seculari potestati subjicitur, que ante domina erat, ancilla efficitur, & quam Christus Dominus dictavit in cruce & quasi propriis manibus de suo sanguine scripsit, chartam libertatis amittit. Hanc enim libertatis chartam Christus vindicavit in cruce, & sue sponsæ Ecclesiæ per semetipsum dedit; ut homines alios per peccatum factos diaboli servos, ipsa libera liberos & Dei filios faceret & suos, qui sibi diligenter servirent, & tangnam bona matri devoti filii humiliter obedirent.* Attamen sapienter monuit idem Goffridus his contentionibus minui libertatem Ecclesiæ, ideoque maximè vendum ne nimis præfractæ exigatur: *Nam Rex & Romanus Pontifex, cum unus contra alium, alter pro Regni consuetudine, alter pro Ecclesiæ libertate, erigitur, regnum illam consuetudinem obtinere non potest, nec poterit, & Ecclesia sue libertatis amittit plurimum.* Infrā: *Habeat Ecclesia suam libertatem; sed summopere caveat, ne dum nimis emunxerit, eliciat sanguinem, & dum rubiginem de vase conatur eradicare, vas ipsum frangatur.*

VI. Imminuta esset libertas Ecclesiæ, si à Principe secularium imperio libera, ab Episcopis iniqua servitute premeretur. Quare Synodus Ephesina Oecumenica libertatem Ecclesiæ in veterum canonum & antiquæ consuetudinis observatione collocavit adversus Antiochenum Patriarcham, cum de Cyprii Episcopis controversia incidisset. Etenim Ioannes Antiochenus, post obitum Troili Episcopi Constantiaz, (quæ

Greg. L. 9. ep. 3.

Sugerius in vita Ludovici.

Goffridus in opusculis, ad Callixtum Papam, cap. 6.

Q. iiiij

urbs erat metropolitana insula Cypri) ordinationem ejus Ecclesiae usurpare moliens, literas à Dionysio Duce Orientis ad Præfatem Cypri & Clerum Constantiensem impetravit: quibus præceptum erat Clero, ut ab ordinatione Episcopi abstineret, donec judicio Synodi Ephesinæ, quæ tunc temporis cogebatur, Ecclesiæ Constantiensi spectum fuisset. Id scilicet Iohannes à Concilio se imperaturum sperabat, si res integræ forent, ut libera sibi metropoleos Cypri ordinatio permitteretur; quia Cyprus erat una è quindecim provinciis Diocesis Orientalis, quæ à Nicæna Synodo Antiocheni Episcopi administrationi creditæ fuerant. Qua ratione fultus Alexander Antiochenus, jam olim Innocentio I. retulerat, Cypri Episcopos fatigatos Arrianae impie-tatis potentia, cuius virus Episcopos Antiochenos invaserat, non tenuisse Nicænos canones in ordinandis sibi Episcopis, & usque adhuc habere presumptum, ut suo arbitratu-  
eos ordinent, neminem consilentes. Sed Innocentius persuasit tantum Cypriis, ut curarent juxta canonum fidem, unum cum ceteris sentire provinciis. Atque hoc pacto contentionem non diremit, quamvis alterum visum fuerit eruditis. Quippe Nicæna Synodus ita privilegia Antiochenæ Ecclesiae in Orientem integra servavit, ut nihil de privilegiis Metropolitanorum detraheretur. Episcopi Cypri Ephesum accedunt, ut Iohannis Antiocheni novos conatus repellant: ele-  
ctum à se Reginum in locum Troili docent, & suæ provinciæ privilegia, secundum Nicænos canones, servari postulant. Synodus Ephesina, prudenti interlocutio-ne, docuit Nicænum canonom utriusque partis votis suffragari; sed cause jugulum in eo esse, an ex veteri more Antiochenus Cypri Episcopos ordinari. Quod illi nunquam factum magna contentione asserunt; sed à synodo provinciæ perpetuo Metropolitanum constitutum fuisse. Itaque Decretum editum est, quo novus ille conatus Antiocheni Episcopi reprimitur, & Cypri Episcoporum ordinationes ex veteri consuetudine addicuntur secundum Canones. Observandus autem est modus loquendi quo tentata innovatio contra canones & mores antiquos dicitur à synodo omnium libertatem attingere: quia scilicet exemplum illud trahi potuisset in consequiam, ad perniciem omnium provincialium. Quare generaliter constituit synodus: In aliis etiam Diocesis & provinciis servetur, ut nullus Episcoporum aliam provinciam occupet, que ante & ab initio sub sua vel antecessorum suorum potestate non fuerit; sed

& si quis occupaverit, vel per vim sibi subeg-  
rit, ipsam restituat, ne patrum canones preter-  
eantur, néve sub sacerdotij pretextu munda-  
ne potestatis fastus irrepat; ne clam paulatim li-  
bertas amittatur, quam nobis donavit sanguine  
suo Dominus noster Iesus Christus, omnium ho-  
minum liberator. Vnde patet, non adversus  
solum Antiochenum Patriarcham, sed  
etiam adversus ceteros Patriarchas consti-  
tutum ne plus sibi licere præsumant in suis  
Dicecibus quam sit illis & canone & ve-  
teri consuetudine concessum. Dicecibus di-  
ctio, regiones & tractus provinciarum Pa-  
triarchis subditos significat, ut monui. Quo  
sensu hic accipi ex eo manifestum est, quod  
canon Dicecibus provincias subjugat:  
*Istud autem, inquit, in aliis Diœcesibus & in*  
*omnibus provinciis servetur. Quare Theodo-*  
*retus in Synagoge canonum, titulo primo,*  
*canonem istum Synodi Ephesinæ notavit,*  
*ut probaret Patriarchis non licere provin-*  
*cias invadere.*

VII. Hinc profectum est ut Ecclesia Gallicana nomen libertatis ecclesiastica usurpaverit, cum adversus nova Pontificum Decreta, aut novos Episcoporum conatus, vel etiam secularis potestatis illicitam usurpationem, de antiquis canonibus aut moribus excipit. Quidam novitium nomen apud nos esse putant, quo à tempore Regis Caroli VI. tantum usi fuerimus. Certum quidem est, tunc magnopere celebratum fuisse nomen illud libertatis, cum tempore schismatis, Romani Pontifices dignitati sue in partes dissipatae praesidiis undique conquirendis intenti, Ecclesiam novitatis quamplurimis vexarent, gratia expectativis, episcopatum & abbatiarum reservationibus, Annatis, & aliis ius iusmodi. Quæ tempesta Concilium Ecclesiae Gallicanae eòimpulit anno MCCCCVI. & MCCCCXVIII. ut à Rege, regni sui Ecclesiam, & viros ecclesiasticos ad suam libertatem antiquam & juris communis dispositionem restitui pateret. Vnde patet vera & genuina definitio hujus libertatis, ex sensu Ecclesiae Gallicane; ut sit nempe, usus antiqui juris communis. Inde frequentissime usurpatum fuit in constitutionibus regius, in actis Comitiorum regni, in curiarum supremarum judiciis, & in cleri Gallicani conventibus, nomen illud *Libertatis Ecclesie Gallicane*. Sed non est quod intra illud tempus usurpationem hujus nominis coercamus. Etenim anno MCCCLXXXV. idem Carolus constitutione illa celeberrima, qua curiae Romanæ Cardinalium varias exactiones inhibuit, eo proposito id à se decerni testatur, ut *Ecclesia regni sui*, inquit.